

Javno preduzeće

ELEKTROPRIVREDA BOSNE I HERCEGOVINE

d.d. - Sarajevo

Primljeno:

14-07-2026

Org. jed.

Proj

Prilog

Sarajevo, 13-07-2026

Broj: 02-21761-1/26

Na osnovu člana 25., 70. i 71. Zakona o javnim nabavkama Bosne i Hercegovine ("Službeni glasnik BiH" broj: 39/14, 59/22 i 50/24), člana 95. Statuta Javnog preduzeća Elektroprivreda Bosne i Hercegovine d.d. - Sarajevo, prečišćen tekst - broj: NO-2190/21-41./2. od 25.01.2021.godine, broj: SD-20745/21-70./6. od 30.07.2021.godine, člana 18., 75. i 76. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-35498/22-98./3. od 27.12.2022.godine, broj: NO-18946/23- 104./5. od 05.06.2023. godine i člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva-Prečišćeni tekst - broj: 06-8661-1/2023 od 10.03.2023.godine, broj: U-01-40623-1/23-18/34 od 14.11.2023. godine, broj: U-01-2332-1/25-137/26 od 28.01.2025. godine i preporuke Komisije za javne nabavke, donosim:

ODLUKU

o izboru najpovoljnijeg ponuđača za nabavku pomoćnih građevinskih usluga – usluge održavanja građevinskih objekata za potrebe Podružnice Hidroelektrane na Neretvi, Jablanica

Član 1.

Najpovoljniji ponuđač za nabavku pomoćnih građevinskih usluga - usluge održavanja građevinskih objekata za potrebe Podružnice Hidroelektrane na Neretvi, Jablanica, izabran na osnovu provedenog otvorenog postupka broj: 10203-061/26 je:

Dema&S d.o.o. Mostar sa cijenom od 168.735,00 KM bez PDV-a

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba) i time ih obavijesti o rezultatima okončanog postupka javne nabavke u skladu sa članom 70. Stav (6) Zakona o javnim nabavkama Bosne i Hercegovine.

Član 3.

Obavezuje se ponuđač iz člana 1. ove Odluke da u roku od 5 (pet) dana od datuma zaprimanja ove Odluke dostavi original ili ovjerene kopije dokumenata iz člana 45. stav (2) tačke od a) do d) Zakona o javnim nabavkama BiH.

Član 4.

Ova odluka stupa na snagu danom donošenja.

Obrazloženje:

JP Elektroprivreda BiH d.d. - Sarajevo, Podružnica Hidroelektrane na Neretvi, Jablanica (u daljem tekstu Ugovorni organ), Odlukom broj: 02-37-2-2673-1/2026 od 12.05.2026. godine pokrenula je postupak nabavke pomoćnih građevinskih usluga – usluge održavanja građevinskih objekata za potrebe Podružnice Hidroelektrane na Neretvi, Jablanica putem Otvorenog postupka broj: 10203-061/26. Istom Odlukom Ugovorni organ je imenovao i Komisiju za provođenje postupka javne nabavke (u daljem tekstu Komisija). Obavještenje o nabavci predmetnih usluga broj: 1409-1-2-68-3-75/26 je objavljeno na „Portal javnih nabavki“ dana 12.05.2026. godine i u „Službenom glasniku BiH“, broj 34/26 dana 15.05.2026. godine. Procijenjena vrijednost predmetne nabavke je iznosila 170.000,00 KM bez PDV-a.

Otvaranje ponuda održano je 04.06.2026. godine u 12:30 sati, u prostorijama Ugovornog organa u Jablanici. Zapisnikom o otvaranju ponuda broj: 10203-061/26 Komisija je konstatovala da su do isteka roka za dostavu ponuda, svoju ponudu dostavili sljedeći ponuđači, i to:

1. DEMA&S d.o.o. Mostar		sa cijenom od 169.948,80 KM bez PDV-a,
2. Elvod d.o.o. Mostar		sa cijenom od 168.739,20 KM bez PDV-a,
3. Hortical d.o.o. Konjic		sa cijenom od 169.344,00 KM bez PDV-a,
4. VAN d.o.o. Konjic		sa cijenom od 169.948,80 KM bez PDV-a,
5. Lendava d.o.o. Jablanica		sa cijenom od 169.344,00 KM bez PDV-a.

Zapisnik sa otvaranja ponuda broj: 10203-061/26 od 04.06.2026. godine je dostavljen ponuđačima u skladu sa odredbama Zakona o javnim nabavkama BiH („Službeni glasnik BiH“, broj 39/14, 59/22 i 50/24).

Nakon otvaranja ponuda, Komisija je u svom daljnjem radu, na zatvorenom sastanku pristupila detaljnoj analizi dostavljenih ponuda sa ciljem utvrđivanja prihvatljivosti prema obliku, sadržaju i potpunosti dokumentacije, zatim kvalifikacije ponuđača, te ocjeni tehničke prihvatljivosti ponuda.

Uvidom u ponudu ponuđača Lendava d.o.o. Jablanica Komisija je konstatovala da ponuda ne ispunjava zahtjeve iz tenderske dokumentacije jer nije potpisana od strane osobe ovlaštene za zastupanje pravnog lica.

Ponuđač Lendava d.o.o. Jablanica je u svojoj ponudi dostavio Aktuelni izvod iz sudskog registra u kojem je kao lice ovlašteno za zastupanje društva, odnosno direktor upisana gđa. Hasija Gostevčić.

Međutim, ponudu odnosno dokumentaciju priloženu u ponudi je potpisalo lice upisano u Aktuelni izvod iz sudskog registra kao osnivač društva Lendava d.o.o. Jablanica i to Asim Gostevčić, bez priložene punomoći od strane direktora društva kao osobe ovlaštene za zastupanje privrednog društva.

Izjave o ispunjenosti uslova iz člana 45. i člana 52. Zakona o javnim nabavkama BiH su potpisane od strane ovlaštene osobe odnosno direktora društva, dok su navedene izjave na ovjeru kod nadležnog organa donesene od strane osnivača društva, a na osnovu punomoći od Gostevčić Hasije za Gostevčić Asima broj: OPU-IP 36/2024 od 17.01.2024. godine. Tekst za navedenu punomoć i broj punomoći je upisan hemijskom olovkom u donjem lijevom uglu na Izjavama po članu 45. i 52. Zakona o javnim nabavkama BiH što također nije ispravno niti dozvoljeno, jer je izgled i sadržaj Izjava po članu 45. i 52. Zakona o javnim nabavkama BiH propisan Uputstvom za pripremu modela tenderske dokumentacije i ponuda, te se kao takve ne smiju mijenjati, u smislu dodavanja ili brisanja bilo kakvog teksta. Osim toga, činjenica je da je nemoguće utvrditi da li je predstavnik ponuđača ili lice koje je ovjeravalo navedene dokumente upisalo predmetni tekst jer pored istog nema nikakvog parafa/potpisa niti otiska pečata.

Imajući u vidu da samo direktor ili drugo lice izričito upisano u sudski registar, ili lice kojem je izdata pisana punomoć za konkretan posao ili lice kojem je izdata prokura (poslovno ovlaštenje) koja je pritom evidentirana u sudskom registru, ima zakonsko pravo da samostalno zastupa društvo i potpisuje dokumente u njegovo ime, te da u ponudi ponuđača Lendava d.o.o. Jablanica nije priložena punomoć od strane direktora, niti bilo koji drugi dokument iz kojeg bi se moglo konstatovati pravo osnivača društva da može potpisati ponudu i zastupati društvo ponuda se odbacuje u skladu sa članom 68. stav (4) tačka i) Zakona o javnim nabavkama BiH jer ponuda nije potpuna i ne ispunjava zahtjeve iz tenderske dokumentacije i neće biti predmet postupka dalje ocjene ponuda.

Ponude ponuđača Hortical d.o.o. Konjic i VAN d.o.o. Konjic nisu također ispunile zahtjeve iz tenderske dokumentacije, jer su u ponudama dostavili izmijenjenu tehničku specifikaciju usluga koje su predmet nabavke.

Ugovorni organ je u tački 4.1. (Način pripreme ponude) predmetne tenderske dokumentacije između ostalog naveo sljedeće:

„Ponuđači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom će biti odbačene. Ponuđač ne smije mijenjati ili nadopunjavati tekst tenderske dokumentacije.“

te u tački 4.10.4 (Ocjena tehničke prihvatljivosti ponuda) tekst kako slijedi:

Ugovor se dodjeljuje kvalifikovanom dobavljaču koji je ponudio najnižu ukupnu cijenu prihvatljive ponude. „Da bi ugovorni organ ocijenio da li ponude „kvalificiranih ponuđača” ispunjavaju zahtjeve u pogledu opisa predmeta nabavke i zahtjeva iz Tehničke specifikacije ponude moraju sadržavati slijedeće dokumente / dokaze o zadovoljenju eliminatornih tehničkih kriterija:

- Popunjen «Obrazac za ponudu» i «Izjava ponuđača» Aneks-a 2 sa potpisom ovlaštenog predstavnika ponuđača o prihvatanju u cjelosti sadržaja i odredbi tenderske dokumentacije i da ponuđene usluge zadovoljavaju tehničke karakteristike i parametre koji su zahtjevani tenderskom dokumentacijom.

Napomena! Ukoliko nisu popunjene / ponuđene sve pozicije Aneks-a 2, ili ako bilo koja pozicija ne zadovoljava tehničke karakteristike i zahtjeve za kvalitet iz Tehničke specifikacije usluga ponuda će biti odbačena.

- Popunjen «Obrazac za cijenu ponude» Aneks-a 3

Napomena! Ukoliko nisu ponuđene sve stavke ili ako bilo koja stavka ne zadovoljava sve tehničke zahtjeve / karakteristike iz Tehničke specifikacije usluga ili ukoliko nisu popunjeni /ponuđeni svi elementi obrasca za cijenu ponude (rok izvršenja usluga, jedinična cijena i ukupan iznos, rok i način plaćanja) ponuda će biti odbačena.“

Ponude ponuđača Hortical d.o.o. Konjic i VAN d.o.o. Konjic nisu ispunile zahtjev tehničke prihvatljivosti ponude jer su u svojim ponudama dostavili tehničku specifikaciju koja nije u skladu sa onom koja je objavljena u tenderskoj dokumentaciji broj: 10203-061/26 na portalu javnih nabavki. Naime, radi se o tome da tekst tehničke specifikacije koju su navedeni ponuđači dostavili u svojim ponudama ne odgovara onome koji je Ugovorni organ objavio na portalu javnih nabavki u sklopu tenderske dokumentacije broj: 10203-061/26, to jeste izmjenjen je.

Obzirom da se navedeni ponuđači nisu pridržavali odredbi tački 4.1. i 4.10.4 predmetne tenderske dokumentacije u smislu da se tekst tenderske dokumentacije ne smije mijenjati i nadopunjavati, te da sve stavke ponuđenih usluga moraju zadovoljavati sve tehničke zahtjeve/karakteristike iz Tehničke specifikacije usluga, ponuda će kao takva biti odbačena. Članom 57. stav (1) Zakona o javnim nabavkama BiH je također propisano da se u postupku javnih nabavki ponuđači pridržavaju zahtjeva i uslova iz tenderske dokumentacije, te imajući u vidu da su ponuđači Hortical d.o.o. Konjic i VAN d.o.o. Konjic u svojim ponudama dostavili izmjenjenu tehničku specifikaciju usluga, ponude su ocijenjene kao nepravilne i neće se razmatrati u daljem postupku ocjene ponuda.

Pregledom i ocjenom ponuda ponuđača Dema&S d.o.o. Mostar i Elvod d.o.o. Mostar, Komisija je utvrdila da ponude ispunjavaju sve zahtjeve tražene tenderskom dokumentacijom, to jeste ocijenjene su kao prihvatljive, te će u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) učestvovati u daljoj fazi postupka javne nabavke, to jeste e-aukciji.

Početna rang lista ponuđača koji su pozvani da učestvuju u e-aukciji (kriterij najniža cijena):

Naziv ponuđača	Početna cijena bez PDV-a	Rang
Elvod d.o.o. Mostar	168.739,20 KM	1
Dema&S d.o.o. Mostar	169.948,80 KM	2

Ugovorni organ je nakon unošenja svih prihvatljivih ponuda u sistem e-Nabavke izvršio zakazivanje, to jeste odredio početak i dužinu trajanja e-aukcije, i to za 19.06.2026. godine sa početkom u 09.00 sati i dužinom trajanja od 10 minuta. E-aukcija je uspješno okončana u 09:10 sati, te je formirana nova konačna rang lista ponuđača.

Konačna rang lista ponuđača nakon provedene e-aukcije prema kriteriju za vrednovanje ponuda »**najniža cijena**« počev od najuspješnije ka najmanje uspješnoj je sljedeća:

Naziv ponuđača	Konačna cijena bez PDV-a	Rang
Dema&S d.o.o. Mostar	168.735,00 KM	1
Elvod d.o.o. Mostar	168.739,20 KM	2

Komisija za javnu nabavku imenovana Odlukom Direktora Podružnice Hidroelektrane na Neretvi, Jablanica broj: 02-37-2-2673-1/2026 od 12.05.2026. godine, utvrdila je da je najpovoljnija ponuda za nabavku pomoćnih građevinskih usluga - usluge održavanja građevinskih objekta za potrebe Podružnice Hidroelektrane na Neretvi, Jablanica, izabrana nakon provedenog otvorenog postupka prema kriteriju »**najniža cijena**« ponuda ponuđača: **Dema&S d.o.o. Mostar sa cijenom od 168.735,00 KM bez PDV-a**, te da ista u ekonomskom i tehničkom smislu u potpunosti zadovoljava zahtjeve ugovornog organa.

Na osnovu navedenog odlučeno je kao u dispozitivu Odluke.

Pravna pouka:

Svaki ponuđač koji smatra da je ugovorni organ u toku konkretnog postupka kod izbora najpovoljnijeg ponuđača prekršio jednu ili više odredbi Zakona o javnoj nabavci i/ili podzakonskih akata ili Pravilnika ima pravo uložiti žalbu na postupak u pisanoj formi u roku od 10 (deset) dana od dana kada je njegov podnosilac primio odluku o izboru najpovoljnijeg ponuđača. Žalba se podnosi ugovornom organu JP Elektroprivreda BiH d.d. - Sarajevo, Podružnica Hidroelektrane na Neretvi, Jablanica u 3 (tri) originalna primjerka.

Izvršni direktor za proizvodnju
Fahrudin Tanović



Dostaviti:

- Ponuđačima
- Službi za komercijalne poslove Podružnice Hidroelektrane na Neretvi, Jablanica